



07156

于肅愨心

集八卷

署江青



錢塘沈氏重刊
四庫全書

于肅愍公集序

公之文始行邪世固有身在而文已傳沒則泯亦有沒而後傳弗久遂滅者矣公去是幾何年去世又幾何年而其文始行也邪蓋人之傳以文而文之傳亦以人文而匪人雖工弗傳也雖傳弗遠也可傳矣遠矣而卽不之傳顯晦遲速固自有時若夫感而後興契而後發則存乎其人焉耳亦數也公自少秉大志讀書過目成誦蚤登甲科陟臚仕敷歷中外更四朝數十餘載其磊落之才宏博之學著而爲功業者天青月白匪徒文也發而爲文章者雲行水湧又匪徒人也況一出十八年澤之施於汴爲最久文之作於汴爲最多久則感深多則

于公集序

一

則習遍文之傳宜速也何於茲六紀餘夫然後哀而集梓而行必始於大巡舜江陳子而成於督學定齋王子之手者豈人文感習固然邪是必有心感神契之妙不可知不容已者在焉否則散落如故其不終爲積壁敝篋物者幾希斯不亦存乎人矣乎斯不亦存乎數矣乎噫厄而後泰公之數則然也獨文乎哉雖然久而後傳則其傳也必久此又將然之數所不容爽者其視傳雖速而旋復泯滅與形俱化者相去遠近又可知矣抑獨今乎哉茲嘉集之就而樂公之文得行始敘此引諸首用誌歲月云余固非能傳公之文者也嘉靖丁亥夏六月旣望賜進士第文林郎巡按河南山西道監察御史

新喻一溪簡霄謹書于大梁行臺之清風亭

于公集序

二



南師一辨讀書補卷于大梁行臺之清風亭

于肅愍公集卷之一

賦二首

上元觀燈賦

恭遇上元令節敕賜羣臣觀燈宴飲臣幸際昌期欣逢
盛事謹拜手稽首而獻賦曰
聖皇撫運兮總握乾綱化行九有兮功高百王天心眷
顧兮帝道遐昌和氣感通兮昆物阜康上元三五兮節
屆晴陽景象清明兮應乎豐穰天顏有喜兮誕布恩光
詔許觀燈兮西掖之旁觀夫鼇山崒嶽兮凌乎霄漢鳳
閣巍峩兮近乎穹蒼火樹生花不假陽和之力金蓮而
地自成雲錦之鄉銀燭散蘭膏之燄寶鼎蒸沈檀之香

于公集卷一

一

樓臺照影星斗垂芒一炬纔燃萬象咸彰瑞彩昭回簇
三島神仙之眾卿雲煥爛現九重麟鳳之祥光飛雲海
兮狀魚龍之出沒影迴瓊嶼兮類鸞鶴之翱翔瓶湛玻
璃兮浸團欒之皓月簾掛水晶兮粲瑩潔之秋霜至若
公輸獻巧神機發藏左旋右轉規圓矩方機輪運動兮
象乾坤之不息華燈照耀兮映日月之輝煌金碧露山
川之遠近錦繡攢花柳之芬芳紫閣丹樓瞻雲霞之舒
卷玉欄翠檻觀人物之徜徉制作之妙異乎尋常千態
萬狀莫能備詳斯時也欣騰宇宙樂奏宮商清而越者
若神龍之吟於碧海和而協者猶鳴鳳之在於高岡衣
冠駢集環珮鏗森嚴虎衛整肅鴈行梯山航海椎髻

卉裳莫不歡忭而鼓舞踴躍而趨踰於是羅綺席傾瑤
漿厭美俱備肆筵畢張列千官而拜舞呼萬歲以稱觴
念愚臣之何幸乃際遇乎明良承恩醉飽其喜洋洋爰
拜手而稽首謹獻賦以揄揚

雪賦

寒光皎皎曙色蒼蒼客有掬衣而前崆峒子呼而語曰
臘前三白之事子能賦否客跪而賦曰嚴乎凜哉冬至
之後未成三戍也飄飄揚揚遍滿入荒似鵝毛之碎翦
猶蝶翅之輕狂散玉龍之鱗甲布玉兔之疆場比梅花
而六出對夜月以清光遠而望之峯巒傅粉全不相類
乎秋霜近而視之庭階藏翠卻也彷彿乎冰芒袁安固

于公集卷一

二

志僵臥林靖適興尋芳灞橋詩思最妙藍關馬足難行
持漢節則和蘊而食賦梁園必置酒而嘗乘舟訪戴映
書惟康銷金帳中飲羊羔而低唱紅爐火上烹雀舌以
馨香東郭全無履屐定夫專候門牆廣寒宮前倏忽幻
成瑤階瓊樹章華簷下須臾好似玉宇牙牀宇內三千
大千銀界簷前一滴兩滴瓊漿如斯而已其言也詳旣
而請崆峒子曰三白事態則弟子已吐布矣臘前爲瑞
其意云何崆峒子曰噫嘻乎子來前聞瓦釜池蛙者豈
足以知黃鐘清越之奏騎跛驢駑駘者曷足以知綠驥
白駒之良三白之在臘前也陽氣未發品彙未生根莖
尙在於土中枝柯已枯於地下斗柄建丑玄冥司鄉正

欲寒洄以嚴凝方因陽和而發暢蟲蝗有子必斃宿麥
之植多繁所以爲治世之禎祥豐年之卜筮也猗與盛
哉原其所由豈虛其應實我朝君明臣良民安國泰敷
和氣於兩閒播仁風於萬宇此是光岳效靈之地體信
達順五穀豐登而爲年之大有也況今下官司馬匹卿
大臣撫安黔黎廣推恩化能體皇上之心焉以格豐年
之兆也客拜稽首而歌之曰同雲密布兮瑞雪漫漫豐
年慶會兮朝野騰懽對閭闔而祝願兮皇圖如磐石之

安

雜體詩七十三首

擬古

千公集卷一

三

妾意如冰清妾心如石堅良人久別離悵望空懸懸所
感恩意重豈爲情欲牽但願良人好功名遂超遷九重
布恩澤四境無烽煙未卜會面期先遣佳音傳亦足慰
岑寂何必常團圓

南國有佳人

南國有佳人皎皎冰雪姿恆恐汗潔白臙粉勿敢施奉
身事君子服勤忘燕私一朝成遠別千里長相思願託
雙飛翼辛苦良不辭飛來侍君側恩義兩無虧永言執
箕帚盡瘁以爲期可望不可卽翹首空嗟咨

遊春曲

垂楊拂地如青絲輕盈不耐東風吹馬上誰家遊俠兒

雕鞍玉勒黃金羈，張弓放彈如星馳。正中流鶯落樹枝，
罽中大笑稱絕奇。揚鞭走馬當路歧，忽聞鞞韞笑語嬉。
隔牆竚立情如癡，牆裏佳人鬢黛眉。留情不語知伊誰，
分明相望不相知。恨無羽翼通佳期，夕陽曠鳥催分離。
可憐兩地空相思。

春書曲

東風吹花花不定，紅雨紛紛落芳徑。喚人嗁鳥隔紗窗，
巧語關情誰忍聽。柔腸百結苦縈回，卻似丁香花未開。
花開花謝年年事，可惜流光如箭催。門外紅塵飛紫陌，
陌上垂楊弄春色。垂楊只解送行人，不管行人歸未得。

探桑婦二首

千公集卷一

四

低樹探桑易，高樹探桑難。日出探桑去，日暮探桑還。歸
來喂葉上蠶箔，誰問花開與花落。二眠纔起近三眠，此
際祇愁風雨惡。割雞裂紙祀蠶神，蠶若成時忘苦辛。但
願公家租賦給一絲，不望上儂身。丁男幸免官府責，脂
粉何須事顏色。收蠶猶未是閒時，卻其兒夫勤稼穡。
出門行探桑路，逢遊冶郎君。馬上笑相問，問儂何事
不梳妝。妾云本是農家婦，辛苦從夫事箕帚。自來不解
施朱鉛，裙布荆釵甘白首。郎君問妾妾不疑，笑殺無端
輕薄兒。妾顏如花心似鐵，玉潔冰清天自知。世間萬物
不得齊，或清如水濁如泥。請君前行不必問，好把絲鞭
促馬蹏。馬蹏追風去如箭，儂家掩袂淚如霞。出門明日

更相逢郎君避路羞相見

探蓮曲二首

朝探蓮暮採蓮蓮花豔冶蓮葉鮮花好面顏不常好葉
似羅裙怨秋早秋風浩蕩吹碧波綠怨紅愁將奈何年
年採蓮逞顏色採得蓮花竟何益蓮花雖好卻無情夫
婿有情常是客常是客萬里關河歸未得爭如池上錦
鴛鴦雙去雙來到頭白採蓮復採蓮探蓮長可憐願比
蓮花與蓮葉不論生死根株連

日出採蓮去日暮採蓮歸蓮花如面葉如衣船頭對對
鴛鴦飛鴛鴦飛入花深處交頸綢繆無限趣覩物關情
可奈何扣船齊唱採蓮歌採蓮歌未休心中無限愁如
何得似鴛鴦鳥雙去雙來到白頭

千八集卷一

五

楊花曲

垂楊飛白花飄飄萬里去多情蜂蝶亂追隨不問依棲
向何處人生漂泊無定蹤一似楊花趁暖風今朝馬足
西邊去明日車輪又向東可憐不識歸來路一去江山
千萬重楊花本是無情物懊惱人生在客中

遠別離

遠別離何時歸出門子女爭牽衣借問此行向何處底
事欲留留不住父子恩情深更深可憐不得恆相聚遠
別離無限愁山行騎馬水乘舟行人一去蚤回頭

折楊柳

折楊柳折得柔條持在手慙慙贈與遠行人人去書來
莫厭頻明年柳發黃金芽卻望歸轅早到家春來春去
須臾事莫待漫天飛雪花折楊柳愁思多短長亭畔崎
嶇路送盡行人奈爾何

靜夜思

靜夜思何時休終宵展轉聽更籌人生由來不滿百安
得朝夕事隱憂功名富貴儻來物目前渺渺春雲浮甲
第歌鐘萬戶侯五花駿馬千金裘春風秋月不相待倏
忽朱顏變白頭豪華一去難再得壯氣銷沈土一邱但
令名節不墮地身外區區安用求靜夜思誰與謀勸君
高枕且熟睡窮達由天不用愁

千公集卷一

六

漁父辭

水深得魚多水淺得魚少人閒徑路漫崎嶇天際煙波
長浩渺山妻穉子幸團圓百歲生涯共一船收綸罷釣
晚風前楊柳穿魚當酒錢酒酣日暮船頭宿醒看江水
捧團玉浩歌一曲寫幽情欸乃聲中山水綠山水綠快
我心船頭有魚可換酒莫管興亡與古今

節婦吟

淒涼復淒涼世間好事難久長月圓無奈陰雲蔽花發
愁看風雨狂良人恩愛中道絕秋月春花空斷腸空斷
腸心不移玉潔冰清天自知翁姑老病兒嬌癯蕭然四
壁無遺貲辛勤紡績事家業暮暮朝朝顰黛眉但願翁

姑無恙兒成立獨抱窮愁甘受飢甘受飢淚成血九原
無路見良人縱有衷情向誰說

出塞

健兒馬上吹胡笳旌旗五色如雲霞紫髯將軍掛金印
意氣平吞瓦剌家瓦剌窮胡真犬豕敢向邊疆撓赤子
狼貪鼠竊去復來不解偷生求速死將軍出塞整戎王
十萬戈矛映雪霜左將纔看收部落前軍又報縛戎王
羽書捷奏上神州喜動天顏寵數優不願千金萬戶侯
凱歌但願早回頭

入塞

將軍歸來氣如虎十萬貔貅爭鼓舞凱歌馳入玉門關

二公集卷一

七

邑屋參差認鄉土弟兄親戚遠相迎擁道攔街不得行
喜極成悲還墮淚共言此會是更生將軍令嚴不得住
羽書催入京城去朝廷受賞卻還家父子夫妻保相聚
人生從軍可奈何歲歲防邊辛苦多不須更奏胡笳曲
請君聽我入塞歌

北風吹

北風吹吹我庭前柏樹枝樹堅不怕風吹動節操稜稜
還自持冰霜慙盡心不移況復陽和景漸宜閒花野草
尙葳蕤風吹柏樹將何爲北風吹能幾時

春風吟

夕陽欲落還未落垂楊拂地東風惡東風雖惡還有情

歲歲能令芳草生，草生滿地綠侵衣。時見階前蛺蝶飛，
卻怪東風無氣力。春深不解動芳菲。

莫嫌春日吟

東風浩蕩吹花柳，春氣薰人如醉酒。草生滿地綠敷茵，
桃李無言也笑人。年年常是客底事，欲歸歸未得。
歸未得可奈何，太行南北千條路。不似離腸宛轉多。

春風眼前花

昨日看花開，今朝看花落。花開花落雨無情，莫怪夜來
風雨惡。人心一似雨中花，老少須臾莫怨嗟。昨日朱顏
生綠醕，今朝白髮映烏紗。看花對酒寧辭醉，醉醒後還投
賣酒家。君不見眼前花。

千公集卷一

八

落花吟二首

昨日花開樹頭紅，今日花落樹頭空。花開花落尋常事，
未必皆因一夜風。人生行樂須少年，老去看花亦可憐。
典衣沽酒花前飲，醉埽落花鋪地眠。風吹花落依芳草，
翠點胭脂顏色好。韶光有限蝶空忙，歲月無情人自老。
眼看春盡爲花愁，可惜朱顏變白頭。莫遣花飛江上去，
殘紅易逐水東流。

東風吹落花，點點依芳草。多情還似未開時，分付家僮
莫輕埽。埽卻明朝又落來，來年依舊見花開。莫因開落
分憂喜，且向花前飲一杯。

田舍翁

田舍翁老更勤種田何曾儻苦辛雞皮鶴髮十指禿日
向田間耕且斲雨暘時若得秋成敢望肥甘充口腹但
願公家無負租免使兒孫受凌辱吏不敲門犬不驚老
稚團樂貧亦足可憐憔悴百年身暮暮朝朝一盂粥田
舍翁君莫欺暗中賸剝民膏脂人雖不語天自知華顛
公於醉時歌

酒滿金杯泛綠波主人半醉朱顏酡請君且就坐聽我
醉時歌人生天地閒一葦浮江河富貴與功名倏然浮
雲過牀頭有酒且須斟囊裏無錢不用尋錢多自古壞
名節酒量何妨江海深劉伶好酒稱世賢李白騎鯨飛
上天石崇元載極奢侈至今千載遺腥羶勸君滿飲不

千公集卷一

九

須辭萬事由天莫怨咨蛟龍變化非無日鴻鵠翱翔自
有時醉時歌歌有節酒闌客散我還醒卻上高樓對明
月

東風昨夜吹芳草綠漸成陰紅漸老庭前無數落來花
分付家僮莫輕掃開樽獨醉向花前仰面聲呼歌徹天
花殘自有重開日人老何由更少年醉看明月照華顛
還把落花鋪地眠牀頭貯酒三百斛囊底蕭條無一錢
看花對酒且自樂一任春歸唬杜鵑

馬上郎青春好玉勒金羈映芳草芳草茸茸襯落花花
馬

閒亭館知誰家郎君下馬入門去紅裙翠袖留春住留
春住可奈何笑語生香歡愛多烏雲高髻鬱嵯峨尊前
起舞影婆娑酒酣漸覺朱顏酡留情兩眼橫秋波橫秋
波情密密間間凍餒君不知夫妻對面廚中泣

處世若醉夢

處世若醉夢憂樂付等閒百事皆前定對酒且自寬仰
天歌嗚嗚清風吹我冠濁醪滿瓦缶苜蓿堆春盤無人
勸我飲自酌還自歡醉眠白日晚起看明月團拔劍舞
中庭浩歌振林巒丈夫意如此不學腐儒酸

古意二首

妾顏如花命如葉嫁得良人傷遠別別來獨自守空閨
夜夜焚香拜明月月缺重圓會有期人生何得久別離
願將身託蟾蜍影照見良人不寐時

初日出東方光彩照八極飛潛及蠢動咸仰生成力我
願天宇清浮雲埽形迹庶俾陽德亨萬古明不息

大風

大風振林木萬葉皆飛揚如何頃刻閒景物殊炎涼感
之欲太息憑闌對斜陽東籬有黃菊歸來嗅餘香

鯉魚圖

海波拍天流海日當天起神魚大如舟揚鬣復鼓尾
鱗頭角信非難變化飛騰頃刻閒等閒吸盡四海水化
作商霖拯旱乾

遊五閨思
東風蕩漾吹花柳春色醺人如醉酒梁間喜見燕將雛
檻外忽聞鶯喚友綠窗倦繡且停鍼搔首沈吟意轉深
卻喚侍兒開繡戶輕移蓮步傍花陰花陰滿地蝶雙飛
相隨戀戀紅薔薇欲向花閒撲雙蝶生憎綠刺牽人衣
歸來長歎臨妝鏡宛轉柔腸還未定還未定誰得知須
與鴉噪庭槐晚又是深閨拜月時

夏目憶故鄉風景
石榴樹底紅巾蹙葡萄枝頭露香玉薰風拂拂自南來
時向高堂埽炎燠湘簾半捲日遲遲竹影參差柳陰綠
紅綃煥爛蜀葵開金彈纍垂盧橘熟端陽佳節競繁華

二公集卷一

角黍堆盤映醅醪一從遊宦隔天涯馬首紅塵厭驅逐
有時飛夢繞錢塘此景依然在心目今年夏月居晉陽
南北風土殊炎涼清和已過近五月草木猶自愁飛霜
故園物候不可見塵沙塞草空茫茫雲山望斷幾千里
小樓盡日徒徜徉

太極本無形陰陽互消長庖犧百王先作易原俯仰卦
畫一以陳人文日宣朗文王繫卦辭吉凶指諸掌周孔
更發明此道該穹壤濂溪論理微康節推數廣程朱述
傳義明白非惚恍半夜一聲雷千門忽然做月窟與天
根乘風恣來往焚香誦章編悠然動遐想

清明感興

宦遊無定蹤飄飄任南北今年在并州邂逅過寒食花
枝紅欲燃草色翠如織羣鳥鳴閒庭喧啾竟朝夕飛絮
隨東風輕盈黏几席而我與春光相看俱是客春歸已
有期我歸應未得對景不成歡喟然長太息太息復何
爲揮毫題素壁

晝夜長短

晝夜分長短氣候互涼燠晝長宜官府夜短省燈燭
燭民膏脂燃之非我欲無奈更漏長欲眠還反復起坐
向鐙前中心如轉轂或將既往追或將未來續兵民當
懷綏邊境宜儲蓄化何由而行政何由而肅思之有未

于公集卷一

十一

得還將舊書讀職分所當爲一一在心目夜分方就枕
展轉猶未足奴隸不得眠偶語向廚屋爲此非好勞庶
以償俸祿自從春晝長百事免拘束寇蓋臨高堂咨詢
盡民俗貧者爲寬征饑者爲發粟善良加撫摩豪強使
懾服閭里無橫科倉廩有餘穀簡教厲兵戎公勤披案
牘訴牒旁午來剖斷不留宿雖非霹靂手遇事頗神速
退食時從容吟詩對修竹夜後卽安眠何須論榮辱民
財免耗傷奴隸無怨讟此事良自知誰能喻衷曲

入春狂風大作加以久無雨雪因以自咎

朔風怒號不得止漠漠埃塵漲天起入春已是一旬餘
翻覺貂裘薄如紙前朝飛雪天上來閒積郊原不盈指

隴間宿麥正青青無雨安能勃然起聖皇愛民如赤子
詔旨丁寧在人耳輕徭薄賦更恤刑天意云何乃如此
撫巡失政固予罪竊祿偷安心獨愧願移災咎及予躬
免使蒼生受憔悴

暇日命僕於盆池養魚五缶種穀以觀生意

盆池養魚缶種穀魚自悠然穀還綠缶中生意亦流通
盆池江湖非局促乾坤二氣本無私高下洪纖均化育
放魚入海化爲龍移穀在地收萬鍾龍飛九天雨萬國
穀布下土蘇羣農乃知此物有神化世閒大小無不容

慈訓堂詩

有序

母坤道也以養育爲德而主乎慈故爲母者未

千公集卷一

十三

始不慈其子慈而能訓者蓋少訓而能底于成
者尤不多見也四明王原之母夫人舜江張天
民先生女也予髫年時識先生高古修潔與人
不苟合長於詩尤工於楷法雖尋常制作若不
經意思而人自以爲不可及蓋天資俊邁問學
充裕使然也觀先生則夫人之賢可知矣夫人
蚤適原之父金溪令中歲孀居守節厲志篤於
訓誨諄諄然勉諸子以力學而諸子克遵厥訓
底于有成旣而原之以校官起家超拜監察御
史擢參山西藩政清慎明決卓然有稱季復登
進士第授秋官尙書郎餘雖未仕亦皆修謹力

學爲鄉里聞人是皆平日訓誨所致原之推本
所自而扁其堂曰慈訓所以表夫人之懿行而
示若子若孫於無窮也大宗伯兼翰林學士楊
先生與詞林諸耆舊皆爲文以識之矣間嘗徵
予言予嘉夫人之善於教子而原之昆季又能
不負其所教世之爲母子者將於是而取則焉
斯堂之作豈直爲觀美哉因爲詩以歌之

君不見孟軻稱大賢道學冠今古陶侃惜分陰乃心忠
典午當年造就賴慈親翦髮斷機良獨苦君家阿母貞
且賢與古烈女相比肩孀居節操凜冰雪諸孤在膝皆
髫年諄諄訓誨不輟口願汝成立報所天爲言汝家素

于公集卷一

七

閱閱累葉簪組相蟬聯而翁受命宰百里奉法循理人
共傳一朝奄棄遺爾輩我故未忍歸重泉屬纊言猶在
吾耳令我殷勤教諸子汝舊立學能有成爾父雖死猶
不死諸郎感奮日不足恆將此語留心目明師益友資
討論暮史朝經勤講讀一朝昆季俱登庸萬里雲霄快
鴻鵠伯也繡衣霄漢立季也騰踏雲龍逐睞言名母孟
陶儔大書慈訓懸華屋子能若此親更逸笑引諸孫餉
梨栗滿庭慈竹布清陰繞砌萱花麗遲日

憫農

無雨農怨咨有雨農辛苦農夫出門荷犁鉏村婦看家
事縫補可憐小女年十餘赤腳蓬頭衣藍縷提筐朝出

蒼始歸青菜挑來半沾土茅簷風急火難吹旋蕪山柴
帶根煮夜歸夫婦聊充飢食罷相看淚如雨淚如雨將
奈何有口難論辛苦多嗟爾縣官當撫摩

收麥

大麥收割早二麥收割遲帶青摘穗不候熟老穉藉此
聊充飢去年夏早秋又水穀麥無收民受餒今年種來
十二三縱有收成無積累了卻官租餘幾何女嫁男婚
債負多公私用度皆仰給可喜時清無重科有司牧民
當體此愛養蒼生如赤子庶令祿位保始終更有清名
播青史剗民肥已天地知國法昭昭不爾私琴堂公暇
垂簾坐請誦老夫收麥詩

于公集卷一

五

喜雨行

夏田得雨苗青青秋田得雨容易耕夏田秋田俱得雨
農家不用愁收成收成有望人心悅四方萬國騰歡聲
嗟予菲才忝巡撫慚無德澤被蒼生但願風調雨順民
安業我亦走馬看花歸帝京

夏夜步月

明月入我戶清風吹我衣散步下瑤階仰看星斗暉萬
籟寂不聞羣動咸息機嘯歌振林藪鳥雀爭分飛興盡
卻歸來此意知者稀

酒凍戲題

我有一尊酒欲酌誰與共置之向牀頭僮僕不敢動歲

暮天苦寒忽然結成凍開尊撫掌笑有物必有用更添
麪藥作酸醯飽茹黃齏三百甕

無題四首

人生不滿百常爲千歲計圖利與求名昂昂爭意氣晝
營夜復思顧恐力弗至一旦壽命終萬事皆委棄卓哉
陶靖節不爲世故累解印歸柴桑清風滿天地尊中幸
有酒自酌還自醉借問寰中人誰能會此意

朝在太行南暮在太行北問予何事苦怱怱鞍馬驅馳
常是客笑而不答心自知眷戀浮名好是癡昨日朱顏
如帶酒今朝白髮已成絲遠離鄉國空勞夢悵望庭闈
有所思君寵親恩俱未報竊祿無功補盛時太行山不

于公集卷一

十六

可攀誰似山頭白雲好纔成霖雨便知還
名節重泰山利欲輕鴻毛所以古志士終身甘溫袍胡
椒入百斛千載遺腥臊一錢付江水死後有餘哀苟圖
身富貴胛剝民脂膏國法縱未及公論安所逃作詩寄
深意感慨心切切

篝鐙夜窗下撫卷坐來久泛觀古豪傑際遇良不偶伊
周及房杜股肱戴元首韓范與富歐麴蘖成醴酒動業
震當時功名垂弗朽李廣命不候馮唐成白叟閒關逐
常調遇事亦掣肘賦命有疾徐奔競適足醜掩書對明
月且盡杯中醜

自歎

我生四十餘已作十年客百歲能幾何少壯難再得今
朝太行南明日太行北風雪敝貂裘塵沙暗金勒寒暑
互侵凌彫我好顏色齒牙漸搖脫鬢髮日以白位重才
不充況此遲暮迫爲上乏勳勞爲下無德澤揣分宜退
休非惟慕奇特早賦歸去來庶免清議責

論補夜聞鶴唳有感

齋居無四鄰庭空篆煙冷明月揚素輝修篁散疏影雙
鶴向我鳴鼓翅復引領靈風振縞衣華露溼丹頂清響
徹雲霄萬籟悉以屏芝田在何許遙遙隔塵境欲去還
未能蹉跎駐光景聽此融心神令人發深省

芙蓉梅花圖爲嚴憲副題

于公集卷一

十七

我家住在西湖曲種得梅花遶茅屋雪消風暖花正開
千樹瓏璵綴香玉有時抱琴花下彈有時展易花前讀
浩然清氣滿乾坤坐覺心胸絕塵俗一從遊宦來京師
幾度梅花入夢思爲君展卷題詩處還似開窗對月時
醉墨淋漓染毫素筆底生春若神助調和鼎鼐愧無功
何時卻踏西湖路

賀旌表義民李福山壽

題具慶圖

人間有至樂無如奉親好翁媪兩康健靈椿應萱草芝
蘭秀庭階綵服日旋繞定省必以時殷勤候昏曉親情
旣悅豫於以增壽考小郎勤學業經書恣論討早晚擢
巍科致身青雲表封誥頌紫泥雙親猶未老乃知盡孝

者不獨在温飽作詩寄深意具慶期永保

雨後寫懷

甘雨洗塵寰爽氣滌煩襟參差庭前樹蒨蔚敷繁陰凱
風冷然來好鳥送佳音俯瞰池塘水鄰鄰清且深中有
雙鯉魚隨波恣浮沈觀茲節物佳擊節動謳吟萬事無
足論大化契我心共不暇辭主事非小忠半世心空覺
臨池樹影半敲斜晴波混漾走金蛇簾前燕子掠飛蝶
池面魚兒吹柳花遊絲牽風白日靜落紅滿地青春賒
數聲嘯鳥助幽興門巷彷彿山人家

寄內

于公集卷一

七

結髮爲夫妻恩愛兩相好生男與育女所期在偕老我
生叨國恩顯宦亦何早班資忝亞卿巡撫歷邊徼自愧
才力薄無功答穹昊勉力効驅馳庶以贖天討汝居輦
轂下閨門自幽悄大兒在故鄉地遠音信杳二女正嬌
癡但索梨與棗况復家清貧生計日草草汝惟內助勤
何曾事温飽而我非不知報主事非小忠孝世所珍賢
良國之寶尺書致殷勤此意諒能表歲寒松柏心彼此
永相保

憶老婢

吾家有老婢行年近五十雖云極醜陋所幸少過失我
昔少年時垂髫髮如漆銳意取功名辛苦事紙筆雙親

命老婢給使讀書室予時氣方剛未知撫愛術斯須不
如意罵詈信口出老婢受不辭未始怨且泣我壯忝科
名旋登顯要職老婢亦欣慰且言所願畢家人自南來
致意我家室此意久未報吾心恆鬱鬱作詩寄所懷相
見應有日

金山題畫二首

江村昨夜西風起木葉蕭蕭墮江水水邊蘋蓼正開花
妝點秋容畫圖裏小舟一葉弄滄浪釣得鱸魚酒正香
醉後狂歌驚宿雁蘆花兩岸月蒼蒼
同雲蔽天風怒號飛來雪片如鷺毛須臾羣峯失翠色
等閒平地生銀濤探梅詩客多清趣瘦蹇衝寒溪上去
只聞風送暗香來不識梅花在何處

于公集卷一

六九

日暮絳州道中

行行度山岡望望指城郭雲收雨意散天晚日色薄萬
籟鳴笙竽清風滿巖壑雖云途路遠此景殊不惡

題壁閒畫

看山如看畫聽水如聽琴水流碧溪轉山高白雲深俯
仰天地間萬物本無心松風颯然來爲我滌煩襟

寒夜煮茶歌

老夫不得寐無奈更漏長霜痕月影與雪色爲我庭戶
增輝光直廬數椽少鄰並苦空寂寞如僧房蕭條廚傳
無長物地爐蒸火烹茶湯初如清波露蟹眼次若輕車

轉羊腸須臾騰波鼓浪不可遏展開雀舌浮甘香一甌
吸罷塵慮淨頓覺脣吻皆清涼胸中雖無文字五千卷
新詩亦足追晚唐玉川子貧更狂書生本無富貴相得
意何必誇膏粱

題壽萱堂卷

有

壽爲五福之一人惟壽而後可以享諸福故欲
入於孝其親者必以此爲祝願焉此蓋人子之至情
至感也同郡陳用文以壽萱名堂以志其親愛之誠
其願書摺紳大夫多爲詩文以揄揚之徵請予題書此
願以附卷末而並識其歲月云

構得華堂向湖曲窗戶參差映喬木堂中慈母壽且康

千公集卷一

三

坐對萱花照晴旭賢郎獻壽日稱觴綵服踴躍愛日長
願親壽比岡陵之高不可極願親壽比滄海之深不可
量親壽緜緜無絕期萱花晬晬好容儀蟠桃結實青鳥
至慈竹連陰彩鳳儀人不老兮堂不朽彼此相看同永
久但願慈親壽筵開歲歲花前酌春酒

昔有莫惱翁曲予因效之改爲翁莫惱聊以調笑

云耳

花不常好月不常圓世閒萬物有盛衰人生安得常少
年昨日朱顏如殢酒今日俄然成白首白首容顏漸枯
槁萬事無心成潦倒翁莫惱自古人生無不老

送瑤上人回杭

白雲本無心聚散亦偶然道人此去何翩翩不顧囊中
無一錢杖頭挑得西湖月袖裏常懷葛嶺煙相逢野老
溪邊語闕罷殘經松下眠有時挂錫向天竺有時洗鉢
臨玉泉玉泉池中有靈物隱顯出沒不記年故鄉景物
有如此出門何處無福田超昇已解入正覺接引且須
隨俗緣行矣哉莫留連挂冠何日歸林下來借蒲團學
坐禪

晚坐

當書苦炎熱薄暮喜清涼吏散公府靜休沐歸直房呼
童向庭前掃地更焚香偃仰得自如起坐何徜徉明月
照我影清風吹我裳氣體頗瀟適塵慮暫消亡翻思穹
壤閒人生何怱忙七情互紛擾頓使髮眉蒼一旦壽命
盡毫髮不相將安能生羽翼飛騰周八荒回頭謝世人
樂哉白雲鄉

暮春行

花外東風捲塵土紅雪隨風撩亂舞看來春去本無情
撫景傷心良獨苦人生安得常少年花開花謝兩堪憐
今日花開顏色好明日花殘春已老白頭未得返三園
空向天南憶芳草憶芳草歧路多江湖浩蕩浮春波春
波只解東風去不送歸舟可奈何

春日感懷

風日旦暄妍愛此春晝長嘉樹回嫩綠野花散幽香好

鳥何處來悠然度笙簧節物催人老人事亦息忙去歲
顏如丹今年髮成霜感此欲歎息對酒聊舉觴吾道諒
在斯眾喙徒悲傷公事有餘暇隨處聊徜徉感心自苦
元來沐城八景心

天風吹我來中州光陰荏苒春復秋民安物阜公事簡
目前景物隨真投梁園花月四時好日落夷山映芳草
大河瀉淘湧地來騰波起浪若奔雷隋隄煙柳翠如織
鐵塔摩空數千尺陰晴晦明各異態對此令人感今昔
畫圖髮髯得真趣醉墨淋漓寫長句詩成掉筆向蒼空
滿袖天風卻歸去

題山行小畫

于公集卷一

三

青山無數重掩映門前樹飛鳥伴孤雲時時自來去
邂逅林下人相看久延佇

題山中日暮

落日照樹梢飛鳥投林稀郊園迷遠近溪山帶餘輝疏
鐘何處發雲外一僧歸

擬吳儂曲三首

憶郎直憶到如今誰料恩深怨亦深刻木爲雞嗚不得
元來有口卻無心

憶郎憶得骨如柴夜夜望郎郎不來乍喫黃連心自苦
花椒麻住口難開詩怨此怨莫息慳眠舉昔遊
農在酉邊郎在東深堂宅院幾重重浮麥磨來難見麪

于肅愍公集卷之二
五言律詩六十一首

春寒病中自慰

別離驚歲換老病怯春寒
脫幘擁衾臥移書就枕看暗
將歸計卜聊把客懷寬
早晚金臺路東風拂繡鞍

冬至日思親中

客裏逢佳節天涯憶老親
葭灰初應候梅蕊漸回春
醉訝朱顏好愁添白髮新
孤雲恆在望翹首欲霑巾

鄭州遇學正沈平之

一從分袂後兩地各悽然
道路千山隔音書幾度傳
相逢感慨欲別更留連
清話休辭久重來又隔年

喜雪

于公集卷二

一

凍迷鴛瓦冷花簇鳳城春
和氣成三白歡聲洽萬人
樓臺失遠近草木動精神
豐稔何須卜堯年瑞應頻

八月四日夜月

誰將白玉鉤掛向柳梢頭
鏡缺姮娥根眉鬢越女羞
生光從此夜滿魄待中秋
但願團圓夕相看入鳳樓

穀日喜晴

穀日晴明好豐年信可期
雪消風澹澹天暖日遲遲
東作因時起西成與歲宜
憂民無限意對此暫舒眉

正因觀王金陵效白樂天何處難忘酒之作喜其切
近人情乃亦效顰非敢追蹤前人不過遣興而已

何處難忘酒隆冬客異鄉門前風凜凜天外雪茫茫候
館人煙少前途道路長此時無一盞安得解愁腸
何處難忘酒承恩晝錦榮賓朋相慰藉兒女共攀迎白
髮庭闈健青春事業成此時無一盞安得敘歡情

到澤州賈觀辭出草水數關平魯山疑坐謝青文

信馬天將暮離山路轉平川縈太行驛樹繞澤州城落
日翻旗影長風送鼓聲孤雲在天際回首若為情

絳州分司謾興

高居遠塵世嘉木結繁陰葉密藏山果池清立水禽簾
垂花隔戶石迸筍穿林鎮日看書坐翛然解俗襟

于公集卷二

二

暑月將自太原巡汴

三晉衝寒到中州冒暑回山川元不改節候自相催綠
樹連天暗紅葵向日開太行雲縹渺搔首意徘徊

因祈雨與宮都帥王大參林憲副同坐晉老亭有

晉祠賦

晉祠風景好覽勝結幽亭水遶闌干碧山環坐榻青衣
冠祠下集車馬柳邊停風木渾疑雨蕭蕭不厭聽

望雨無寐曉起偶題

聞雞推枕起曙色漸分明樹映旌旗影風傳鼓角聲雲
霓常在望天地豈無情坐待甘霖降羣黎各遂生

次日陰雲密布不雨復散

溪墨濃雲布漫空
雨意懸斯須露紅日依舊觀青天
祈禱知何益焦枯亦可憐
菲材膺重寄值此更悽然

太行途中雜詠

碗子城邊路年來幾度過
山川認行色花鳥熟鳴珂
戀闕情何限瞻雲思轉多
壯懷成激烈彈劍欲高歌

題古寺

古寺知何代荒涼倚翠微
凝塵生佛面落葉擁禪扉
殿迴香鐙寂廊空鳥鵲飛
塔鈴風外語應似怨斜暉

聞朝覲官回

有喜且以致勉勵之意於屬吏云
聖主當天運諸侯述職歸
珮聲辭禁闕香靄散朝衣
戒敕須天語生成顯化機
旃圖報稱莫使寸心違

于公集卷二

春日即事

案牘閒清晝歌謠遍里閭
光風回細柳甘雨洗嘉蔬
遺興杯中物消愁几上書
所期民物阜此外復何如

遊春

滿路香塵起尋春思欲迷
樹晴鶯出谷溪暖燕銜泥
玉勒嘶芳草青樓瞰大隄
風光無限好都在畫橋西

春愁

謾說韶光好關心別有愁
雨慳禾未種土渴麥難抽
吏牘勤披檢民風肆訪求
尋芳遊冶子爭識廟堂憂

日晚至文水

溪明寒日落樹暝夕煙生
飛鳥隨人語長風攬樹聲
鼓

筋悲遠戍車馬厭修程騎火前村起山城候吏迎
連日大風至十八日午後乃止喜賦
狂風當午歇庭戶絕纖塵落蕊黏芳草遊絲挽暮春閒
關鶯語滑來往燕飛頻縱是韶光晚相看亦可人

蕪雲春日大風感懷
遠塞足風沙春深不見花層冰猶度馬弱柳未藏鴉易
醉愁邊酒頻歸夢裏家憑闌一搔首心緒亂如麻

送吳繡衣還朝
觀風俱是客君去我何時暮景春三月離情酒一卮遠
歸真可喜漫醉不須辭珍重同年誼應勞別後思

春中謾興
于公集卷二

四

客懷雖寂寞春意自堪憐草色碧如織花枝紅欲然鳴
鳩疏雨後嘯鳩暖風前翹首天涯路韶光又一年

望極羣峰遠行穿一徑幽雲從樹杪起水繞竹根流酒
旆搖村舍鐘聲出寺樓多情林外鳥巧語答鳴騶

薄雲和日色底事弄陰晴駐馬空回首鳴鳩不住聲東
風吹野草暮靄起山城擾擾長途倦逢人卽問程

喜雨三首

和氣成甘雨霑濡意轉深一犁通地脈萬物識天心花
柳滋春意山川起夕陰農夫咸喜悅點滴值千金

花外錦鳩嘯催來雨一犁眼前生意足頭上暖雲低紅
透花枝重青涵草色齊明朝出城郭走馬踏春泥
日入千山黑層雲構夕陰一聲雷送雨萬國土成金品
物回生意間闍誦好音天公應有在知我愛民心

秋晚山行

日落千山暝風高萬木彫深溝通曲徑獨木架危橋客
路空迢遞離情轉寂寥驛樓看漸近時聽馬蕭蕭

秋暮汴中述懷

汴城秋節暮候館客愁新京國馳情久家山入夢頻塞
鴻悲月夜籬菊慘霜晨借問歸何日浮名絆此身

喜晴

千公集卷二

五

久雨晴偏好羣芳各鬪妍柳濃鶯恰恰花暖蝶翩翩風
景饒三月韶光直萬錢尋春無限意緩著紫絲鞭

暮春後歸興

雨洗乾坤淨羣峰露翠微水清魚自見花謝蝶還稀寥
落驚春暮蹉跎與願違耳邊山鳥語勸我不如歸

太行山中曉行

月落日未出東方隱又明雲連懷慶郡霧繞澤州城道
路淹歸計關河動客情故鄉不可見搔首望神京

自歎

白髮太無情年來次第生官清存晚節才薄負虛名秋
雨黃河水春風碗子城巡行知幾度候吏厭逢迎

偶得

地僻塵囂遠公餘興味清過門無俗轍閉戶有書聲賓
從皆時彥謀猷盡物情菲才叨重寄何以答昇平

謾題屋壁

卜得幽居好秋來景倍嘉堂虛先得月城近每聞笳雨
洗蒼梧葉風吹白藕花門前無列戟錯認野人家

秋日卽事

風靜林塘好波光一鑑開金魚穿綠藻翠竹映蒼苔幽
草鋤還長馴禽去復來時清公事簡冠蓋日徘徊

雨後散步

小園疏雨歇散步快幽情行處蒼苔滑吟邊綠草生薄

于公集卷一

六

雲還掩映初月未分明撫景聊成趣塵煩喜暫清

延津縣

縣治蕭條甚疲民疫病多可堪官失職況是歲傷和空
廩全無積荒田更起科撫安才智短獨立奈愁何

荒村

村落甚荒涼年年苦旱蝗老翁傭納債穉子賣輸糧壁
破風生屋梁積月墮牀那知牧民者不肯報災傷

塞垣紀興

寒雲迷古塞積雪照平川境外風塵靜樓頭鼓角傳廟
堂勤遠略節鉞鎮窮邊巡撫應多暇乘驄長玉鞭

秋日述懷

塞垣霜信早北雁往南飛
水冷蓮房老林疏木葉稀
有官居鼎鼐無處覓庭闈
何限關心事臨風一歎歎

碧雲開霽色黃葉作秋聲
仗節還烏府承恩出鳳城
宦途期遠大憲度喜澄清
濁酒不堪飲題詩慰別情

今宵是除夕明日又新年
爆竹驚殘夢寒燈照獨眠
風霜催臘盡梅柳得春先
撫景情無限那能不悵然

玉殿午朝回從容步綠苔
槐陰初轉戶日影漸侵臺
素著憂民志慚無濟世才
暫忻公事簡撫景獨徘徊

夜坐

千公集卷二

七

終朝苦炎熱薄暮喜清涼
閉戶屏人迹鉤簾放月光
無功堪報國有夢可還鄉
頃刻天雞唱相催入建章

新秋感興

昨宵風雨急特地送秋來
庭樹涼初動池蓮落更開
青春春馬土過白髮鏡中催
欲作傷情賦慚無安玉才

初秋日暮遣懷

日暮喧囂息齋居思悄然
嫩涼生雨後新月出雲邊
瀟灑門前柳荒蕪谷口田
白頭歸未得名節愧先賢

秋晚偶題

西風催過雁落日送歸鴉
院靜梧飄葉籬寒菊吐花開

情歸物外離思滿天涯無酒堪消遣呼童旋煮茶

公餘謾興

公餘坐一室庭戶自翛然暮景催殘臘閒情寄昔年牆
陰猶積雪樹杪出輕煙留得蒲團在時時學坐禪

贈鶴慶王太守

蓮幕聲名舊黃堂德政新長江映秋月僻壤布陽春善
政移蠻俗清風慰遠人無由一相賀尺牘致殷勤

病起偶題

老來驚節換病起怯春寒草向池邊發花從雨後殘隔
牆呼酒飲憑几把書看爲愛東風好時時一倚闌

寒夜無寐偶書

于公集卷二

八

夢裏家山近客邊更漏長愁來難就枕起坐更焚香臘
盡春回柳天寒月照霜人情易遷變節物亦恩忙

病中謾書二首

落日半在樹晚風輕著人暮春三月景老病百年身坐
愛爐煙細行看運草新不思動裏靜安得見天真
物色催人老深春動客心嬌鶯時出谷嘯鳥亂投林事
異丹心在愁來白髮侵憑欄無限意搔首自成吟

送人之官

拜命霑新寵掄才愜眾情柏臺資贊化蓮幕喜澄清樹
暖林花發江晴遠水明到家須勉力洗耳聽佳聲

寄璠璣二妻舅

一別經三載天涯獨倚樓看花思共賞對景憶同遊北
海樽中酒西湖月下舟錦衣歸故里相與敘綢繆

朝回偶題

老去驚時換公餘覺晝長池風花偃翠林雨杏垂黃舊
業存書卷閒情付藥方偶來北窗下高枕夢羲皇

春夜雨中獨坐

兀坐愁無奈孤懷耿不磨夜闌鏡影暗風急雨聲多往
事懸明鏡浮生逐逝波何時湖上路把酒聽漁歌

于肅愍公集卷之二終

于公集卷二

九

事驟明輪轉坐忘塵寰同掃土亂時時感興
仄坐愁無奈孤懷耿不磨夜闌鏡影暗風急雨聲多往
事懸明鏡浮生逐逝波何時湖上路把酒聽漁歌

春夜雨中獨坐

業存書卷閒情付藥方偶來北窗下高枕夢羲皇

老去驚時換公餘覺晝長池風花偃翠林雨杏垂黃舊

朝回偶題

一別經三載天涯獨倚樓看花思共賞對景憶同遊北

海樽中酒西湖月下舟錦衣歸故里相與敘綢繆

于蕭愍公集卷之三

七言律詩一百六首

巨靈壁石迸流泉萬丈虹霓著地懸怒捲風雷趨瀚海

細分脈絡貫長川千巖濺沫雲應溼一鑑澄空月正圓

寶甕誰能釀春酒稱觴獻壽祝堯年東望

玉壘金城七寶臺網緝佳氣自天開長依瑞日迎車輦

每逐仁風被草萊輕帶春陰花外度清隨曙色柳邊回

廣寒宮殿承恩處曾覩龍交接上台

小雨初冬客途感懷

于公集卷三

小雨冥冥不溼衣飢鶩高貼野雲飛南來北往河山迴

秋盡冬初草木稀半夜還家歸夢好十年爲客宦情微

故園茅屋收成後啄黍黃雞想正肥

五壘和余吾驛壁閒詩

煌煌使節下并州俯仰乾坤豁遠眸萬里關河迂馬足

十年風雪傲貂裘北連河朔烽塵靜東望都門瑞氣浮

車騎紛紛催曉發一聲雞唱五更頭

日靈初度

碌碌庸庸四十餘因逢初度轉躊躇腰黃久負金爲帶

頭白驚看雪滿梳賸喜門庭無賀客絕勝廚傳有懸魚

清風一枕南窗臥閒閱牀頭幾卷書

與顧趙范三繡衣晚酌醉後偶題

臨風長嘯岸鳥紗賓主相忘醉眼花千里逢人俱是客
十年持節未還家欲將海水添杯量卻笑秋霜入鬢華
酒醒更闌成獨寐夢魂依舊繞天涯

自歎

鬢華斑白帶圍寬竊祿無功久曠官岸幘恥爲寒士語
調羹不用腐儒酸逢人只說還家好垂老方知濟世難
戀戀西湖舊風月六橋三塔夢中看

客中感懷

十年蹤跡厭紅塵功業無成白髮新夢裏不知身是客
覺來惟有影相親夕陽衰草梁園暮細雨閒花沁水春
馬足經行今幾度溪山應笑未歸人

于公集卷二

二

還京述懷

眉閒黃色應歸期正值清秋八月時封事預須當
音書先慰倚門思宦情落落從來懶吏牘紛紛欲去遲
好在故園三畝宅功成身退是男兒

秋夜歸興

華月行空流素光星辰隱隱動寒芒煙銷寶篆金爐冷
水咽銅壺玉漏長望斷鄉書無過雁牽成離恨有曉釐
徹廬只在吳江上蓴菜鱸魚入夢香

春日客懷

年年馬上見春風花落花開醉夢中短髮經梳千縷白

衰顏借酒一時紅
離家自是尋常事
報國慚無尺寸功
蕭韶行囊君莫笑
獨留長劍倚青空

登樓書興

公暇登樓立彩旃
客懷撫景倍悽然
千家綠樹蒼煙外
數點青山落照邊
暮景侵尋欺病骨
秋霜容易上華顛
自知不是經綸手
附郭須營二頃田

除夕夜坐感懷

秉燭焚香坐不眠
夜長難到五更天
懷人此際隔千里
爲客明朝是十年
遠道風霜嗟老矣
故園梅柳想依然
椒盤獻歲知誰共
獨把金杯對影傳

送吳繡衣還朝

于公集卷二

三

平明走馬入京畿
楊柳飛花點繡衣
山外有山頻入望
客中送客轉思歸
紅雲高拱天門邃
綠樹深藏驛路微
渡卻黃河知己少
臨歧杯酒莫相違

過中牟魯恭祠

長民曾羨魯恭賢
民物熙然各遂天
境外遺蝗徒擾擾
桑閒馴雉自翩翩
閭閻風俗猶前日
史傳聲華紀昔年
寄與郎官勤撫字
循良衣鉢要人傳

聞甘州等處捷報有喜

露布星馳上玉京
三邊寇虜一時平
人閒玉石銘勳業
天上銀河洗甲兵
熊虎有勞咸進秩
犬羊無計可偷生
從今海宇風塵靜
廟算應知出聖明

歎賈平章廢宅人云長心
豪華汨沒幾星霜廢宅空遺古道傍
鼠迹印塵盈故榻
燕巢經雨落空梁紫雲歌斷入千古
金谷花殘夢一場
世事興衰總如此
嘯鴉不必怨斜陽
過五攢山室
盤旋曲阜崇岡遠
接連十里郵亭數椽屋
幾家村落一邱田
林梢日沒僧歸寺
澗底冰消鹿飲泉
詩思多從鞍馬得
驪驅不用苦加鞭
羣峰盡處是盤陀
小徑紆回亂石多
風約閒雲難作雨
渠分流水不成河
門開野店羣鷄唱
花發春山百鳥歌

千公集卷三

四

一段好懷無著處
令人對景費吟哦
纔離汴水又并州
馬上光陰易白頭
出處每懷心耿耿
是非誰較論悠悠
貂裘不畏三冬雪
燕領終封萬里侯
珍重晚來風
長好黃花老圃殿
高秋
正對春風
蕩漾無端入畫堂
簾櫳微動晝初長
暖催花底鶯聲滑
輕拂簷前燕翅忙
酒醒香塵凝座榻
夢回芳草滿池塘
飄揚不解留春住
又逐鞦韆度粉牆
懸甕山前境趣幽
邑人云是小瀛洲
羣峰環聳青螺髻

合澗中分碧玉流出洞神龍和霧起凌波仙女弄珠游
願將一掬靈祠水散作甘霖遍九州

夜宿山館書懷

蕭然山館似僧房三尺寒檠一炷香風捲松濤清入夢
窗涵月色冷侵牀倦來不覺良宵短明發從教去路長
但願兩蕃民物阜不知何處是他鄉

薇垣春曉

爲山西王
大參賦

漏竭銅龍報曉衙月鉤猶在紫薇花分藩任重數千里
化筆春回百萬家香爇雕盤睡鴨燈輝青瑣散棲鴉
相看旦氣清如水坐待金烏出海霞

春水

于公集卷三

五

東風鼓浪散輕冰萬頃玻璃一望平白鳥飛來分細縠
錦鱗驚躍破浮萍臨流畫閣圖中見載酒樓船鏡裏行
安得天瓢都挽取化爲甘雨潤蒼生

憶瑤英

瑤英一別已三年夢裏常看在膝前婉婉性情端可愛
嬌癡態度亦堪憐誦詩未許知音節索果惟應破俸錢
白髮雙親在堂上關心爲爾更淒然

連日燈花鵲噪漫成

夜看銀臺吐絳花曉聞靈鵲噪簷牙民安足遂中心願
年壯何妨到處家得失紛紛隨夢蝶公私擾擾付鳴蛙
晚香好在東籬菊相伴秋霜入鬢華

香霽雪霽之夕聞簷溜有聲因賦
人皆愁聽客中雨我獨喜聞窗外聲報國常懷豐稔念
關心不是別離情霑濡最愛滋羣品點滴何妨到五更
俟起披衣成兀坐焚香讀易候天明

天門閣武

天門閣武

聖主當天致太平守臣闕武向邊城一川花弄旌旗影
八面風傳鼓角聲羽鏃穿雲誇電疾戈矛映日鬪霜明
三軍銳氣能如此會縛戎王獻玉京

詠煤炭

詠煤炭

鑿開混沌得烏金藏蓄陽和意最深燭火燃回春浩浩
洪鑪照破夜沈沈鼎彝元賴生成力鐵石猶存死後心

千公集卷二

六

但願蒼生俱飽暖不辭辛苦出山林

寒疾攻人寐不成惺惺敲枕候天明十朝九病非無藥

一刻千金浪得名戀關心馳京國路思親腸斷武林城

男兒此外無他事莫笑浮名絆此生

天門山

天門山

天門山峙郡西偏屹立芙蓉翠插天六月岡巒飛雨雪
四時草木吐雲煙鳥飛不過巖頭石人渴難尋澗底泉
安得六丁施斧鑿酒酒車馬信平川

人書觀書

人書觀書

書卷多情似古人晨昏憂樂每相親眼前直下三千字

滿坎全無一點塵活水源流隨處滿東風花柳逐時新
金鞍玉勒尋芳客未信吾廬別有春

賦五落花

半隨流水半隨塵

斷送韶光惱殺人蜂蝶有情悲寂寞

園林無處覓精神眼前紅雨飄零盡階下蒼苔點綴新
分付家童莫輕掃醉眠還勝錦爲茵

賦五飛絮

飄飄隨意點輕裘

播盪東風不自由亂逐紅塵迷客路

輕隨綵燕入高樓梁園飛雪驚春夢渭水斜陽送客愁
莫向樽前苦惆悵綠陰還在粉牆頭

賦五交城道中

千公集卷三

峰巒重疊樹微茫回首清源道路長僧屋數椽臨野水

七

人家一半住山鄉龍歸洞口雲煙溼麝過林閒草木香
隨處停驂問民俗不知歸鳥背斜陽

賦五孝義縣懷古

茫茫煙樹繞孤城千載猶傳孝義名郭巨墓荒春草合

比干臺古野煙生密花飛絮迷征旆賸水殘山惱客情
鞍馬恩恩無限意不堪回首暮雲平

賦五過韓信冢

躡足危機肇子房將軍不解避鋒芒成功自合歸真主

守土何須乞假王漢祖規模應豁蒯生籌策豈忠良

荒墳埋骨山腰路駐馬令人一歎傷

明刑弼教佐雍熙千載嘉謨仰士師故里淒涼遺舊冢
穹碑剝落倚荒祠虞廷法立人無犯後世民生偽益滋
廟貌幸存神未泯賡歌猶得想當時

聖主過夏縣挽司馬文正公

破甕機鋒豈偶然活人手段自髫年閭閻穉子知司馬
海宇羣黎仰涑川出處遂關時治亂死生難免世推遷
蒼松勁柏環祠墓凜凜清風在目前

聞蟬聲

密槐高柳覆華堂滿地薰風白晝長卻怪蟬聲驚客睡
不容蝶夢到吾鄉清高最喜含朝露斷續何須怨夕陽

于公集卷三

八

早晚涼颺天際起萬山秋色又蒼蒼

平陽分司

槐柳如雲覆院牆清和天氣日初長雨餘階砌苔應滑
花落池塘水自香謝客只容風入戶捲簾閒放燕歸梁
吏民清肅文書簡吟對羣峰坐畫堂

觀登科錄感興

聖主垂衣御九重羣賢彙進萬方同文明啟運天垂象
豪傑乘時氣吐虹柳汁染衣新樣綠花枝映面醉顏紅
當年我亦曾遭際塗抹於今避下風

初度日

年年馬上度生辰老景偏攻客裏身白髮無能酬聖主

清宵有夢覲雙親
仙家漫說延齡術
塵世應無不死人
修短榮枯天賦子
一官隨分樂清貧
賦王
大參以春景諸作見遺賦此以答
烏府聯鑣憶舊游
新詩慰我客邊愁
胸中生意由天造
筆底行雲似水流
清唳喜聞空外鶴
浮名笑破水中漚
何時共遂歸田計
千里郵筒送唱酬
初度自責
每逢初度益淒然
卻訝增年是減年
濟世愧無書滿腹
投閒何待雪盈顛
關山迢遞迷歸路
歲月淹留費俸錢
任重才疏成底事
西湖豈乏釣魚船

衣望雨

千公集卷三

赤日行空暑氣浮
炎風簸土幾時休
雲霓久渴斯民望
廊廟當分聖主憂
旱魃難除消沍氣
神龍鼓舞起靈湫
挽將天上銀河水
散作甘霖潤九州
曉行數里未天明
路繞汾河聽水聲
斜月帶星橫遠漢
清風傳漏報殘更
中心但願靈祇格
遠道何須父老迎
好挽銀潢作甘雨
溥霑率土潤蒼生
夜四鼓城隍廟合祭羣神
銀燭金鑪布廟廷
光輝照夜奪繁星
共祈霖雨蘇羣品
普願天符命六丁
造化無私應洞鑑
鬼神有耳亦同聽
虛空陡覺濃雲布
更喜飈輪卽漸停

夏日公餘

三邊無警靜烽煙客散轅門思悄然池面雨晴荷蓋小
庭中日午樹陰圓清心閉戶看周易解愠臨風鼓舜絃
菲薄將何稱獻納兩藩旌節謾留連
庭前葵花盛開詩以賞之

庭院深沈白日長羣芳無處避炎光獨將翠葉承朝露
自吐丹心向太陽夜短不愁花睡去春歸何用蝶飛忙
關情相對薰風裏賸把新詩詠錦囊
并州五月中旬雨未霑足而風氣蕭然與清秋無
異感而賦此

千公集卷二

十

夜窗寒夢怯黃綢樹陰慘地雲遮日嵐氣飛簷雨入樓
離思宦情千萬種都隨景物到心頭

祈雨疏食

苜蓿盤中意味長經旬不近酒杯香亦知厚祿慚司馬
且守清齋學太常客底情懷空抑鬱冥中感應豈微茫
黃齋百養皆前定助我平生鐵石腸

新城請水祈雨有應

緘香百里叩龍祠乞得靈泉浸柳枝酌水獻花羅父老
吹簫擊鼓走童兒神風靜默雲生石和氣薰蒸雨應時
頃刻寰區生意足從知天地本無私

病起登樓

晚來扶病強登樓迢遞山川入遠眸紫塞接連沙漠去
黃河還繞郡城流天涯芳草重重恨風外飛花點點愁
往事驚心如夢寐幾回翹首望神州

新柳

不禁風力強扶持裊樓前舞瘦枝遠客臨行應著眼
佳人纔唱卻顰眉飛花未覩漫天雪弄影先看拂地絲
立馬樹邊無限意黃鸝聲在最高枝

過方山

馬蹶厯盡萬重山霄漢相離咫尺閒白石清泉堪枕漱
丹崖翠壁倦躋攀雨餘林外羣芳歇煙暝松頭一鶴還
迢遞客途無限意強將詩句解愁顏

千公集卷三

十一

七夕感興

燭燼香銷夜漏遲人間天上共佳期女牛有約通銀漢
兒女虛傳送綵絲月色冷侵丹桂影露華涼浸碧梧枝
客窗孤枕難成寐臥聽誰家玉笛吹

離京

親朋且莫唱離歌垂老其如遠別何自髮漸從愁裏長
青春半向客中過山寒日落入煙少月冷江空雁陣多
今夜客窗孤枕上可能無夢到蠻坡

夜坐

銀臺火冷墜燈花粉蝶霜寒咽鼓笳窗月照來人影瘦
邊風吹散鴈行斜情多轉覺孤懷切老近生憎兩鬢華

坐久無聊纔就枕，卻驚夢裏得還家。

春晝

蕭條候館度芳春，暗暗韶光過眼新。
草色入簾閒白晝，花陰滿地隔紅塵。
從知處世真如夢，何用浮名絆此身。
十里湖邊三畝宅，青山應笑未歸人。

漁

隨分生涯一葉舟，利名不到釣竿頭。
桃香浪暖三春雨，木落江空萬頃秋。
渭水西風吹鶴髮，嚴灘孤月照羊裘。
悠悠往事何須問，酒美魚鮮醉卽休。

耕

清時幸作太平民，繞屋田園未是貧。
數口生涯資五穀，

二公集卷三

三

一年辛苦在三春，生憎耨子扶犁懶。
最愛山妻饋餉頻，衣食不虧租賦給。
幡然何必慕耕莘。

曉行

朧朧淡月帶疏星，喔喔殘雞報五更。
鐙火一攢開野店，鼓笳三疊啟嚴城。
霜凝峻阪鳴騶緩，曉起疏林宿鳥驚。
風透重裘寒不耐，郵亭駐節候天明。

寓清源

荒城數里半淤沙，衰柳千株集亂鴉。
道上雙騶迎使節，水邊一犬吠人家。
重重山色迷行色，點點霜華入鬢華。
遙憶江南好風月，客窗清夜夢梅花。

夜寒不成寐起坐觀書

寒色迢迢惱獨眠更從鐙火理殘編關情鄉國五千里
屈指光陰四十年縹渺帝都紅日下依稀親舍白雲邊
永懷忠孝何由盡默默安能守太玄

夜坐念邊事

蕭然一室如僧舍秉燭焚香坐夜闌卻笑酒酣醺悵暖
誰憐漏永鐵衣寒安知天下無三傑但願軍中有一韓
世事關心成感慨旋移書卷就鐙看

和梅詩二首

雪中一點笑生春韞色含香怕惹塵結實須歸調鼎手
開花不近冶容人祇緣鐵石心腸勁結得松筠契誼眞
東閣吟成詩百首卻驚筆力會通神

千公集卷三

三

一枝邂逅漏先春不著寰中半點塵鐵石心腸賢宰輔
瓊瑤肌骨謫仙人獨親和靖能知己更倩華光爲寫眞
此外空山誰是伴清風明月共怡神

塞上卽景

目極煙沙草帶霜天寒歲暮景蒼茫炕頭熾炭燒黃鼠
馬上彎弓射白狼上將親平西突厥前軍近斬左賢王
邊城無事烽塵靜坐聽鳴笳送夕陽

喜高僉憲病痊口號戲之

聞君何事病懨懨鎮日焚香不捲簾莫怪藥囊嘗處苦
還知蔗境老時甜一團清氣難隨俗百甕黃齏足養廉
造化小兒從此遁吉人天相不須占

別四川方伯邢景

十年佐政向中州一旦超遷寵數優全蜀行霜張詠化
兩河未許寇恂留月明巫峽猿爭嘯雨過瞿塘水亂流
還惜故人成遠別客中無日不登樓

立春日感懷

去年來白髮新恩馬上又逢春關河底事空留客
歲月無情不貸人一寸丹心圖報國兩行清淚爲思親
孤懷激烈難消遣謾把金盤簇五辛

詠雪

纔聚還消似可疑天公深意許難知但令海宇均滋潤
不使閭閻起怨咨裁翦六花如有意斡旋一氣本無私

于公集卷三

古

登樓望遠空吟賞誰和陽春白雪詞

立春

擊罷泥牛物候新一鞭分與萬家春未萌草木先回潤
久屈龍蛇漸覺伸對景謾傾銀甕酒看花遙想玉京人
東郊明日迎陽去蹀躞驂駟踏鞭塵

立春後寒甚二首

朔吹號寒激箭鋒初春凜凜似嚴冬層冰未泮江頭水
積雪還迷天外峰閒對青銅搔白首卻思金屋賜黃封
關情最是庭前柳翠黛含顰恨幾重
坐擁紅鑪尙怯寒邊况是鐵衣單營中午夜猶傳箭
馬上通宵不解鞍主將擁麾方得意迂儒撫劍謾興歎

東風早解黃河凍春滿乾坤萬姓安

春雪

寒結濃雲布晚空六花撩亂舞東風素娥裁翦無多力
青帝陶鎔第一功歲暮祥開三白好春回瑞應萬方同
豐年有兆羣心悅題詠應慙句未工

春日懷京師風景

閭闔風暄瑞靄飄御溝水滿雪全消花迎劍佩趨青瑣
柳拂旌旗映畫橋一派簫韶仙仗擁千家簾幙酒帘搖
不堪馬上春如夢悵望蓬萊隔九霄

自歎

平生糟粕數行書潦倒真成一腐儒天外冥鴻何縹緲
雪中孤鶴太清癯聰明不及頑如舊少壯無能老更迂
覽鏡自驚還自歎又添幾縷白髭鬚

早春登樓遣興

千條柳綫織春愁不放韶光入畫樓遠塞天低雲漠漠
長河風靜水悠悠十年客路雙蓬鬢萬里歸心一葉舟
南北往來成底事此身無恙任沈浮

送張御史還京

繡衣東去馬翩翩冀北觀風又一年使節遙瞻銀漢表
封章先達玉階前落花飛絮催行色急管繁絃促別筵
老我客中頻送客不堪回首五雲邊

水村

茅屋三椽傍淺沙門前蒲柳綠交加鳧鷖並宿藏荷葉
蛟蝶雙飛繞菜花甘雨一犁滋穀麥輕煙數里接桑麻
晚風天際孤帆客艤棹來尋賣酒家

讀修鍊書偶題

姪女嬰兒只浪傳不知何物是真鉛塵寰底處安金鼎
弱水無緣度鐵船玉檢謾藏靈寶法紫陽空著悟真篇
死生晝夜皆常理飢則加餐困則眠

見白髮偶題

世間白髮最無情纔近中年次第生碌碌俄驚四十載
蕭蕭初見兩三莖黃花晚節依然好金液還丹豈易成
貪得出來戒遲暮何須辛苦事功名

于公集卷二

夏日卽事二首

十六

密密榆槐散綠雲蕭蕭庭館絕纖塵林鶯巧語爲留客
梁燕低飛不避人歲月無情催暮景江湖何處是通津
數莖白髮籠紗帽深愧淵明漉酒巾

槐陰凝綠暗階墀雨後薰風拂面吹魚躍亂隨新長水
鳥哢爭占最高枝紗廚冰簟難成夢羽扇綸巾漸及時
兩鬢清夷無別事觀書最喜日遲遲

留別高僉憲

斯文骨肉最相親況復比鄰倡和頻淡薄年來輕世味
綢繆日久見天真一鞭行色青山暮兩地離情白髮新
馬上思君重回首落花芳草不勝春

太原道中曉行

星稀月落曉風清，猶聽雞聲報五更。
山勢平吞沙漠境，河流曲繞晉陽城。
天涯何處尋歸路，野境無邊動客情。
車騎縱橫皆故道，不須候吏遠逢迎。

徐溝道中

麥隴柔畦遠接連，依稀村落動炊煙。
山溪水漫人喧渡，野寺日高僧尙眠。
馬足聯翩疏雨後，客懷寂寞曉風前。
庭闈縹渺知何處，卻望孤雲一悵然。

清化鎮道中

琅玕深處翠陰涼，綠樹人家水繞牆。
宿雨潤含畦麥秀，南風吹送野花香。
行人指顧青山遠，駐馬徘徊白晝長。

于公集卷三

七

景物雖同民俗異，不勝三歎憶吾鄉。

舟中漫興

一葉扁舟駕順風，黃河九曲路西東。
沙鷗野鷺飛翔遠，岸草汀花點綴同。
望斷歸心帆影裏，驚回鄉夢櫓聲中。
推篷獨坐無餘事，祇有吟哦興不窮。

初度日感懷

百事無成兩鬢皤，浮生碌碌竟如何。
開樽慶壽從來懶，撫景興懷比舊多。
南極星辰延鶴算，西湖煙雨夢漁蓑。
別無賀客心如水，臥看窗閒日影過。

夏日行太行山中

信馬行行過太行，一川野色共蒼茫。
雲蒸雨氣千峰暗，

樹帶溪聲五月涼，世事無端成蝶夢。畏途隨處轉羊腸，
解鞍盤礴星輶驛。卻上高樓望故鄉，
簾櫳許昌懷古。

遠樹孤城認許昌，偶因風景歎興亡。羣心本未忘劉氏，
九錫何須假魏王。滿地煙霏山色晚，一陂秋水芰荷香。

重論往事知何在，惟有穹碑對夕陽。高江不惹盟與

莫笑過招撫岡。

在裕州里蓋
光武起兵處

重嗟炎燼肇中興，此地曾經募義兵。古廟數椽誰下馬，

崇岡千載尙留名。飄風入樹林鴉散，宿雨霑泥野草生。
觸景興懷無限處，不堪回首裕州城。

余吾道中

于公集卷二

丈

荒村古路人煙少，零落郵亭屋數椽。野渡冰生寒雪後，
遙山鳥沒夕陽邊。思家悵望頻回首，信馬徐行懶著鞭。
歸計不知何日定，眼前風景又殘年。

賦嚴憲副梅花

莫笑疏花冒冷開，調羹滋味已胚胎。數聲笛向風前奏，
一脈春從天上來。清白可能陪雪月，孤高元不惹塵埃。

暗香真入蛟龍窟，絕勝飄零點翠苔。

春寒憶家

碧紗窗外北風多，鎮日輕寒可奈何。歲月無情人自老，

江山如故客重過。桃花深院飄紅雨，杜若芳洲泛綠波。
謾說故園春景好，不堪歸計又蹉跎。

重過天井關回轍廟山

天井關前策馬過道傍古廟鬱嵯峨石留轍迹深如許

道在人心耿不磨殘雪初消山似洗暖風纔動鳥如歌

自緣景物縈懷抱莫怪重來感慨多

長子縣與同年彭繡衣會宿而別悠然懷思
繡衣使者舊同年文采聲華眾所傳出憲遠巡三晉地

行囊不貯一文錢銜杯彼此俱成醉上馬東西各舉鞭

明日五攢山下路不堪回首思茫然

登樓感懷

晚來無事漫登樓幾曲闌干總是愁渺渺鄉關何日到

茫茫天地此生浮太行有路東西去汾水無情日夜流

華鬢蒼顏成底事可曾辜負釣魚舟

陳繡衣席上醉歸口占

停杯不飲意如何更漏沈沈夜半過寶篆隨風香捲霧

金樽映月酒生波休嫌白髮歡娛少自信青雲義氣多

扶醉歸來清興闊乘槎直欲泛銀河

都御史顧公致政有喜

天上歸來兩鬢蒼故園草木盡輝光功成卻喜恩榮厚

身退從知姓字香林下且消閒歲月臺端猶憶舊冰霜

春風詩酒從容處重觀羣英會洛陽

秋晚行山西道中

暮雲收盡雨初晴馬首關山路幾程落日旌旗迎使節

于肅愍公集卷之四 詠物雜詩

七言律詩一百二十五首

壁閒畫瀟湘入景

畫瀟湘入景

煙寺微茫幾杵鐘漁村斜映夕陽紅平沙落雁迷殘靄
遠浦歸帆趁便風山市微嵐孤嶼斷江天欲雪暮雲同

洞庭月色瀟湘雨想像陰晴似夢中

想陰晴似夢中

六月間月

六月間月

憑闌笑語問姮娥時缺時圓意若何底事生成蟾皎潔

誰人種得桂婆娑霓裳舊曲曾傳否玉兔靈丹肯與麼

不信冰輪高幾許清光能得遍山河

不信冰輪高幾許清光能得遍山河

秋風

于公集卷四

一

蕭蕭入夜動清商披拂園林草木黃快意掃除天下熱

可人吹送枕邊涼荻花楓葉愁江渚蓴菜鱸魚憶故鄉

萬里碧天雲散盡衝開征雁不成行

萬里碧天雲散盡衝開征雁不成行

秋光

秋光

秋水無痕徹底清秋山如畫更分明雁鴻影裏雲連塞

砧杵聲中月滿城映日丹楓輝錦樹傲霜黃菊綻金英

不須頻上高樓望此景由來惱客情

不須頻上高樓望此景由來惱客情

秋峰

秋峰

浮雲散盡雨初晴天際羣峰削不成萬朵芙蓉相掩映

九華仙掌自分明幽崖樹色經霜古絕頂松溝入夜驚

日夕南樓增爽氣可能相對豁吟情

雨足江湖水色新
碧玻璃滑靜無塵
潮回萬頃鋪平穀
風過千層簇細鱗
野鷺沙鷗爭出沒
白蘋紅蓼倩精神
箇中浩蕩無窮趣
都屬中流舉釣人
風遠四望鱗鱗盡
相呼相喚過南樓
叫破江南萬里秋
有足不傳雲外信
無端偏惹客中愁
影橫斜月天連塞
夢繞黃蘆雪覆洲
霄漢翱翔應有自
生平不爲稻粱謀
人空歎火爾榮華

秋花

幾朵亭亭靚晚芳
無端淺碧閒輕黃
山牆零露開時好
野館隨風嗅處香
冷豔不同桃李笑
幽情肯惹蝶蜂忙

于公集卷四

霜禽錯恨韶光晚
碎語枝頭怨夕陽
幽蘭背蕙蕙蕙秋
一簇高低近翠微
碧雲紅樹靜依依
枝垂碩果霜初落
鳥露危巢葉漸稀
僧寺樓臺臨竹塢
人家煙火隔柴扉

秋林

半竿落日斜明處
又見松頭一鶴歸
憂絲茂草雲裏
戍鼓聲傳夜未央
松陰滿地露華涼
苦吟不覺銀鐙盡
無寐偏驚玉漏長
風靜半空聞過雁
庭虛四壁聽曉蟬
壯懷不任秋凌逼
起向瑤階步月光
白蕪珠露散前

涼飈拂樹半含秋
一雨先將暑氣收
夜色遠分天際月

秋夜

雨後夜坐玩月
涼飈拂樹半含秋
一雨先將暑氣收
夜色遠分天際月

清光直入水邊樓玉簫有韻驚鄉夢銀漢無波洗客愁
遙想梧桐最深處美人和淚撥箜篌

秋聲

月淡星疏夜氣清忽聞何處動商聲初疑風雨衝愁至
復訝波濤入夢驚寥泬似隨征雁叫淒涼如和草蟲鳴
不須更讀歐陽賦感慨令人白髮生

秋月

冰輪湧出海東頭光映珠簾不上鉤丹桂婆娑微有影
瑤樓高爽不勝秋空遣靈兔千年藥不盡姮娥萬古愁
時缺時圓成底事金樽有酒且相酬

秋晚卽景

于公集卷四

三

獵獵西風捲客衣茫茫衰草澹斜暉山橫暮靄牛羊下
樹帶寒煙鳥雀歸幾杵疏鐘鳴梵宇一村燈火掩柴扉
林梢喜見初生月照我驂駢下翠微

秋日移菊

分得東籬雨後花呼童栽近小窗紗引泉灌溉滋新壤
剖竹編圍護嫩芽自許琴樽相調笑何須蜂蝶亂交加
杜門不納王弘酒還勝柴桑處士家

秋夜獨酌

銀燭金樽映畫屏消愁聊借酒爲名醉來卻喜朱顏在
畏老猶嫌白髮生無客可邀惟對影有鐙相伴最關情
餘醒未解不成寐起向瑤階步月明

秋興四首

一夜西風動遠林，滿襟涼意覺蕭森。
蓮花露冷香消紅暈，樹老閒庭減綠陰。
鏡裏霜華添客鬢，階前雨點碎鄉心。
樓頭思婦關情切，半壁殘燈幾杵砧。
西風一夜動關山，秋意蕭森入夢閒。
雁陣不衝愁思斷，砧聲偏與客情關。
故園黃菊催歸興，老圃丹楓映醉顏。
修竹苦遭窗外雨，來朝也作淚痕斑。
莫向樽前笑白頭，異鄉景物不勝秋。
露寒金井梧桐老，水冷銀塘菡萏愁。
落日平沙迷宿雁，西風遠浪起眠鷗。
無端砧杵驚殘夢，未到江南第一州。

于公集卷四

四

落盡庭梧昨夜風，野草忽從霜後白。
江楓故向日邊紅，蘆花兩岸滄江闊。
管領煙波屬釣翁。

大雪喜雪三首

朔吹號寒振九關，滕神翦水下人間。
瓊葩亂發庭前樹，皓鶴羣飛海上山。
書幌不須銀燭照，釣船披得玉蓑還。
擁爐兀坐無佳句，對看梅花益厚顏。
天時人事兩相關，和氣細縕覆載閒。
湧地銀堆千尺浪，攢空玉立萬重山。
中郎持節吞氊臥，大將平淮奏凱還。
往事悠悠何足論，且祈豐稔解愁顏。
怪來寒氣透重關，風約飛花撲座閒。
銀海平吞雲際月，瓊峰暗換屋頭山。
詩懷不爲尋梅好，酒債從教駟俸還。

歲事豐穰應有兆，仁看喜色動天顏。

秋興用陳繡衣韻

黃鶴摩雲壯氣增，青虹貫斗劍光騰。半生出處慚無補，一代經綸學未能。指下徽音彈夜月，筆端草聖疊秋藤。西風不盡思鄉意，回首天涯憶舊朋。

容齋又順用韻

客邊在苒歲華增，對景空思舊日朋。露冷蓮塘青結子，雨晴瓜圃綠牽藤。酒杯自強醒還醉，宦業誰論拙與能。彈劍高歌明月下，幾回壯氣欲飛騰。

容齋又順用韻

年來華髮不勝簪，別意常懸斗柄南。親舍遙瞻雲渺渺，

千公集卷四

五

客居誰羨府潭潭，庭涵月色人初靜。樹帶霜華葉半耐，詩興蕭條無覓處。遣懷聊仗酒杯三。

秋夜睡醒偶題

風送新秋爽，天簾樓頭初月正。纖纖三杯上臉成，紅輓

一枕忘情到黑甜。清露凝暉露宿草，明月河倒影掛修簷。

客窗又動鄉關念，卻把銜花仔細占。

秋夜獨坐復倒用酒醒感懷韻，柬陳繡衣。

冠中白髮映朝簪，馬首關山北又南。魚雁鄉書淹歲月，

尊鱸歸興動江潭。堂堂宦業鵬程遠，碌碌浮生蟻戰酣。

煙寺暮鐘猶在耳，雞聲已報五更三。

再用前韻答陳繡衣

西風吹鬢雪盈簪千里瞻雲日極南天外青山圍故國
雨中黃葉下空潭孤懷觸景情何限壯氣凌霄酒半酣
最愛霜臺能賦客新詩賡和不離三
用秋夜睡醒韻
盡日西風不捲簾輕陰無奈雨連纖蓮合碧實心應苦
瓜熟紅瓢味正甜夜半關情蛩近戶晝長乞食鳥窺簷
兩藩弭節欣無恙進退行藏豈用占
黃甲清秋述懷倒前韻三首
老態潛從鬢裏占幾番覽鏡立修簷仕途無愧甘清白
世味何須論苦甜晚穀迎風青穗舞嘉蔬出土翠莖纖
壯懷不遜秋容變一任瀟瀟雨滿簷

于公集卷四

六

午漏還從日影占雞聲遠唱出茅簷鳥嘯修竹人初靜
門掩閒齋睡正甜客邸齏鹽甘淡泊詩中錦繡鬪穠纖
鳳仙零落西風急紅雨霏霏亂入簾
黃甲聲名舊日占誰論寸屠與風篔鬢隨金井梧桐老
夢憶紅綾餅餤甜巨浪排空銀闕湧遠山過兩翠眉纖
秋光惹動思鄉意一度登樓一捲簾

盡日鄭州留別沈平之

秉燭連牀坐夜分漏聲和月度轅門重論幼穉多堪笑
細數交游半不存最好知心成白首可能醒眼對金樽
明朝又是梁園別兩地相思勞夢魂
西風夜半散步月下有感

夢回孤枕夜迢迢起看星河欲動搖庭月涵輝銀燭冷
窗風弄影篆煙銷虹光吐劍衝溟漠豪氣隨詩破寂寥
盛世妨賢成底事湖山有約在漁樵

題唐十八學士登瀛圖

經濟才猷結主知從容館閣際明時都將治世安民策
散作裁冰翦雪辭五鳳樓高天路近百花香細漏聲遲
畫圖彷彿登瀛趣展玩令人有所思

移竹

移得琅玕近畫堂歲寒心事兩相當高枝直擬凌霄漢
勁節還期傲雪霜夜靜攜琴伴幽獨晝閒移榻就清涼
明時持汝朝天去吹向虞廷引鳳凰

千公集卷四

送王太守宇之任

七

阜蓋朱輻出鳳城西風蕩漾馬蹏輕新除明府聲華重
舊說郎官玉雪清城郭月中無犬吠山田雨後有人耕
四方太守皆如子海宇何憂不治平

晚涼書懷

九日炎蒸一日涼晚來無事立徜徉松篁月印當窗影
荷菱風傳隔浦香京國雖饒非故土梁園徒好是他鄉
何時謝老西湖上爲傍雲山搆草堂

詠白海東青

重譯何須事遠求自隨和氣到中州一團冰雪含奇質
萬里雲霄豁俊眸玉羽驚翻邊月曉霜翎點破海天秋

親藩入貢承恩渥五色絨繡錦臂鞲

題李景昌竹閒書舍圖

萬玉蕭森遶四簷坐來惟覺雨纖纖小窗展卷循環誦
古鼎焚香取次添爽籟隨風來淨几清陰和月度疏簾
應知此地藏修者早晚蜚聲不久淹

思歸詩文卷

去來無跡任翩翩千里思歸亦偶然自是斑衣勞夢想
難將慧劍斷塵緣昂昂孤鶴凌蒼靄隱隱雙鳧入紫煙
到日慈親應喜慰雲軒忽墜綵輿前

處靜齋卷

希夷心地本無塵聊借寰區寄此身大藥何須金鼎鍊
閒情惟與白雲親庭前花影空唳鳥樹杪茶煙不見人
我亦平生耽靜趣卜鄰安得共棲真

二月三日出使

春風隄上柳條新遠使東南慰小民千里宦途難了志
百年塵世未關身豺狼當道須鋤殄餓殍盈歧在撫巡
自揣匪才何以濟只將衷赤布皇仁

汴梁八景

長嶽晴雲

羣峯屹立鎮中州絕頂雲閒宿雨收霞綵映紅開霽景
天光澄碧湛高秋清陰每逐珠簾捲佳氣常依綵仗浮
四海承平藩府樂不妨吟詠日登樓

冰泮洪河春意深
桃花新漲湧千尋
凌波釣艇綸竿溼
近水人家樹木陰
危岸墮沙沈鳥跡
長風鼓浪聽龍吟
臨流自得滄浪趣
一曲高歌絕賞音
日入斜窗曉氣清
化王宮殿梵鐘鳴
驚回夢幻知誰叩
送盡年華是此聲
地吼鯨鯢僧出定
路填車馬客登程
翻思待漏金門下
正擬封章達聖明

于公集卷四

九

壯懷未盡登臨興
一任西風振錦衣
金梁迢遞接西城
曉騎騰騰踏月明
素魄隨人如有意
餘光伴影最多情
塵昏寶鏡輪蹄動
樹墮冰輪鳥雀驚
卻憶彤庭朝謁處
幾番擁笏候雞鳴
傑閣凌空歲月深
公餘乘興一登臨
偏宜殿閣涼颼細
不受人間熱惱侵
卻扇頓忘三伏暑
阜財還憶五絃琴
清心最是簷前鐸
響落層香雜梵音
郡城東畔古臺荒
風雨瀟瀟送晚涼
驟隼山川迷遠近

高低禾黍墜青黃衝開暮靄帆來重叫破愁雲雁過忙
攜酒登高應有約莫教冷落妒重陽
自古梁百岡冬雪
凍合長河歲暮天喜看三白兆豐年東風柳絮霑衣袂
夜月蘆花覆釣船愛客不愁添酒興探梅何必聳吟肩
梁園詞賦應堪羨贏得新詩入管絃
濟寧路旁古冢
伊人埋骨已多年三尺荒邱圯路邊野鳥淒涼嗚落日
石麟顛倒臥寒煙良平計策今安在房杜功名亦偶然
弔古欲詢何代客斷碑零落獨堪憐

村舍耕夫

二公集卷四

十

倚門皓首老耕夫辛苦年年歎未蘇椿木運來桑柘盡
民丁抽後子孫無典餘田宅因供役賣絕雞豚爲了逋
安得歲豐輸賦早免教俗吏橫催租

路旁老叟

路旁遺老亦堪悲問著倉皇只淚垂恆產賣餘無業次
比鄰逃盡少親知衰殘滿翼昇平日饑困仍逢旱澇時
見說朝廷寬賑恤也來叩首拜恩私

梁園

自古梁園佳麗地於今寂寞滅繁華日長野店聞嘯鳥
春暮山城見落花綠柳兩行侵洛遠黃河一帶入淮賒
欲將尊酒舒高興錦帳風流愧黨家

徐州戲馬臺

落日遙登戲馬臺，懷鄉弔古獨徘徊。
關河千里腸應斷，風雨一天愁不開。
霸業盡銷人已去，山形依舊我重來。
何須細問興亡事，自是當初少甲才。

沛縣歌風臺

荒臺遺址尚嵯峨，過客經遊感慨多。
逐鹿未傾秦社稷，斬蛇先定漢山河。
功臣累見收封爵，猛士誰能爲執戈。
父老猶知千古事，豈宜重問大風歌。

病後

鎖向虛廊不自由，倦舒雙臂懶擡頭。
巴山夢斷霜華冷，梅嶺情牽樹影秋。
入定老僧心暫釋，感時遷客淚初收。

于公集卷四

十一

高門廣廈多豪富，未必聞聲便有愁。

題湛虛卷

仰看星斗屋無椽，小住寰區入百年。
兔挾冰輪澄性海，龍銜火炬照心田。
臥雲枕上何曾夢，賣藥壺中別有天。
門外紅塵走車馬，幾人來此叩玄玄。

秋夜賞月

風清月白水無波，不飲其如良夜何。
美酒千鍾舒逸興，洞簫一曲和高歌。
香浮綺席飄丹桂，影落金杯滉素娥。
沈醉卻疑霄漢近，乘槎直欲泛銀河。

送平江侯出鎮臨清

鼓笳載道出神州，鐵騎連雲擁列侯。
綵旆行穿花外路，

紫騮嘶近驛邊樓寸心深慰黎民望一面全分聖主憂
千里桑麻齊魯地呻吟從此變歌謳

夜坐偶題

寶篆香銷夜漏分娟娟霜月冷侵門雁聲偏惹離情動
燭影能欺老眼昏碌碌浮生驚節換悠悠往事共誰論
寒更五點星河澹又聽晨雞唱遠村

晚坐窗下偶題

車聲軋軋近牆東雁陣翩翩信晚風籬角黃花疏雨後
樹頭紅葉夕陽中湖山舊業書連屋江海狂歌劍倚空
可怪流年雙雪鬢相侵何事太恩恩

欲登樓未果先賦一律以見意

二公集卷四

二二

紅葉黃花屬殿秋碧雲青嶂倚南樓江湖汗漫迷歸路
草木蕭條動客愁一自衣冠辭鳳闕幾番風雪擁貂裘
中州不盡登臨興欲上層霄豁遠眸

蘇李泣別圖

嚙雪吞毡瀚海頭旄落盡恨悠悠孤臣不爲一身惜
降將應懷萬古羞虜塞旅魂驚永夜秦關歸興動高秋
表忠麟閣圖形像未數當年博陸侯

送黃郎中順陞湖廣參議提點太和宮

旌旆翩翩拂彩霞承恩清曉出京華錦衣天上神仙客
華屋山中宰相家芝草九莖同毓秀椰梅千樹正開花
此行便與塵凡隔何用秋乘八月槎

示冕

時予雙親在堂留冕代養於杭

阿冕今年已十三耳邊垂髮綠鬢髮好親燈火研經史

勤向庭闈奉旨甘銜命年年巡塞北思親夜夜夢江南

題詩寄汝非無意莫負青春取自慚春水滿歸舟中驛

垂垂得外舅安豐董先生書

悠悠遠別幾經年極目江南思渺然客底正勞千里夢

天邊忽墮五雲箋得官自媿超遷早濟世深慚學術偏

瞻仰泰山應未遂馬蹏明日又翩翩書史感垂萬古答

辭兼送中書舍人內弟董仲魯奉使親藩

奉使親藩屬俊才寧親此日遂歸來天涯游子十年別

堂上慈顏一笑開北闕風雲新節鉞西湖煙雨舊樓臺

千公集卷四

三

癡兒相見應相問好帶平安兩字回

奉使親藩屬俊才寧親此日遂歸來天涯游子十年別

權兼將相竭忠誠文武全材屬老成廊廟雍容時望重

邊陲談笑虜塵清白雞忽憶當年夢青史應垂萬古名

嗟我忝居鄉曲後謾歌楚些寄哀情

秋聲悼內十一首

垂老光陰兩鬢皤細君棄我竟如何夫妻一旦世緣盡

兒女百年恩愛多曉閣空懸臺上鏡春衣誰試篋中羅

容邊聞計腸先斷淚落西風鼓缶歌

世緣情愛總成空二十餘年一夢中疏廣未能辭漢主

孟光先已棄梁鴻鏡昏羅幔通宵雨花謝雕闌驀地風

欲覓音容在何處九原無路辨西東

縹渺音容何處尋亂山重疊暮雲深四千里外還家夢
二十年前結髮心寂寞青鏗形對影蕭疏白髮淚霑襟
篋中空有遺書在把玩不堪成古今

塵寰冥路兩茫茫何處青山認故鄉破鏡已分鸞鳳影
遺衣空帶麝蘭香夢回孤館腸千結愁對殘鏗淚萬行
抱痛苦嫌胸次窄也應無處著淒涼

東風庭院落花飛偕老齊眉願竟違幻夢一番生與死
訃音千里是邪非淒涼懷抱幾時歇縹渺音容何處歸
魂斷九泉招不得客邊一日幾霑衣

房櫳寂寞掩春風百歲情緣一旦空世態不離生死內
夢魂多在別離中可憐孤館月華白猶憶香奩燭影紅
老眼昏昏數行淚客邊從此恨無窮

結緣誰不願齊眉修短由來未可期老我方將安蔗境
細君先已赴瑤池花飛玉碎愁何限綆斷瓶沈勢莫爲
清淚兩行千古恨眼看兒女益淒其

別來音問每蹉跎兩地關情感慨多我欲承恩還北闕
子先歸化夢南柯空閨鏡破餘殘粉斷杼塵蒙失舊梭
痛汝老懷誰與訴臨風惟有淚滂沱

獨對青鏗坐夜闌客邊衣薄不勝寒因思舊事關情切
欲把遺書掩淚看花落香消人寂寂臺空鏡破月團圓
夢魂隔斷幽明路死別生離欲見難

百川東逝更無還生死由來一夢閒苦雨淒風香閣冷
落花嘯鳥繡幃閒空於紙上看遺墨無復鏡前覩笑顏
腸斷不堪回首處兩行清淚萬重山
癡兒弱女兩無依宿鳥驚巢各自飛塵鎖鏡臺秋月冷
香銷羅幔夜鐙微雙親聞計腸應斷百歲同心事已非
垂老不堪生死別客邊日日淚濡衣
都門三月柳飛花把酒相看日未斜充貢已占先得意
承恩仍喜早還家輕風細浪征帆穩芳草長亭客路賒
君去故園春尚好令人歸思滿天涯

千秋集卷四

連日輕陰雨未成萬株煙柳暗春城野花偏向愁中發
池草多從夢裏生越水吳山頻引領沈腰潘鬢不勝情
何時歸去西湖路載酒攜柑聽早鶯
重陽感懷
書景如梭夜漏長又驚節序是重陽江楓點綴秋光好
籬菊包藏晚節香多事未容陶令去老懷難學孟嘉狂
蕭條孤館誰相問獨對西風一舉觴
秋懷用占字韻
金柔火老作秋炎卻喜清風細入簾紫燕離巢辭主去
黃蜂釀蜜爲誰甜有時獨酌開青眼幾度微吟撚白髯
賴有故人能好事時時佳句許同占

新年客懷
客邸光陰似水流
又看五十五春秋
深慚一品三孤秩
敢望千金萬戶侯
輦路塵清殘雪在
御鑪香暖瑞煙浮
老來況味俱蕭索
只有歸心不自由
暮秋感懷
重陽節後北風多
景物蕭條可奈何
葉帶寒聲風外落
雁隨霜信月中過
愁來萬事紛如結
老去孤忠耿不磨
偷得浮生片時暇
憑闌搔首且吟哦

元旦述懷

錫宴歸來靜掩扉
臥看初日轉斜暉
避喧不欲輪蹄駐
得食從教鳥雀飛
遠道冰霜情脈脈
故園梅柳思依依

千公集卷四

二

新年祝願無他事
惟乞皇恩早賜歸

王一靈學士哀挽

內相方承寵渥新
那堪鵬鳥集承塵
文章功業成千古
臺閣絲綸少一人
慨慷誰論天下事
淒涼空憶夢中身
向時談笑皆陳迹
惟有臨風淚滿巾

直廬歲暮

直廬蕭索度殘年
靜夜焚香思悄然
市遠不知沽酒價
庭空惟見煮茶煙
風穿疏牖銀鐙暗
月轉高城玉漏傳
歸興漸隨生意動
昨宵清夢遶林泉

送知縣莫文淵致仕歸錢塘

解組還鄉未白頭
身安意適復何求
六橋有路還來往

萬事無心任去留
合境吏民思舊澤
入門兒女具新筵
明朝我亦休官去
同向西湖理釣舟

賈生年少負奇才
射策無成又獨回
威鳳不隨凡鳥語
好花偏向暮春開
都門煙樹關情遠
故國湖山入夢來
浪暖桃香三載後
禹門還聽一聲雷

送江用亨下第

千公集卷四

七

不駕青牛西出關
卻乘畫鷁向南還
枕中鴻寶千金祕
袖裏龍光六劍閒
潞水蘄門分別處
岸花檣燕送留閒
逢萊到日春將老
想見碧桃開滿山

蘇武忠節圖六首

蘇武忠節圖六首

南北分攜別意深
相看彼此淚霑巾
馬蹏就道歸鄉國
雁足傳書到上林
耿耿孤忠天地老
蕭蕭衰鬢雪霜侵
按圖講誦文山句
千古英雄共寸心

朔風吹雪滿陰山
十載腥羶一夢閒
目斷龍樓思漢闕
心隨雁陣度秦關
吞瓊留得孤忠在
仗節歸來兩鬢斑
都笑李陵空掩淚
失身無計可生還
河梁執手淚如絲
一別從今萬古思
秉節還朝功獨顯

偷生降虜罪何辭雁飛漢苑通音信馬入秦關失路歧
富貴儻來君莫問丹心報國是男兒天將磨滅古今餘
離魂慘結塞雲黃去住關心兩斷腸借問還朝典屬國
何如降虜左賢王胡笳一曲吹殘月漢騎千羣踏曉霜
麟閣圖形表臣節老天元不負忠良亦將磨滅古今餘
不點丹心素不移故人何事昧相知欺天負國誰能久
嚙雪吞氊未是癡虜塞雁書傳好信漢家麟閣紀新儀
阿陵自把中心愧莫怪臨歧掩面悲

牧羊雜遯散平坡芳草茸茸點白鵝清響數聲風外笛
黑甜一覺月中蓑孤忠未識吞氊苦感慨誰能叩角歌
飽食主翁何處樂此生何必歎蹉跎

千公集卷四

六

贈貧題竹夫人

謾說湘妃骨已仙化身猶未斷塵緣等閒不見令人俗
邂逅相逢共客眠錦帳衾難伴石牀藤簟最相便
可憐亦有班姬怨纔到秋來卽棄捐

勸善題湯婆子

不施脂粉不梳妝寂寞無言臥象牀暖足難同親骨肉
傍人惟有熱心腸夜長夜短慵舒眼花落花開空自傷
可惜恩情亦拋擲春來依舊守空房勸善題湯婆子

勸善題奔喪途中感懷

客愁無數滿歸舟况復蟬聲報早秋天際涼風吹乍急
人間好景去難留百年親老歸黃壤半夜魂飛夢白頭

極目春蘭何處取萬行清淚不勝流

再贈挽焦侍郎
廿年湖海舊相知功業才華眾所推
公服省中開宴飲朝回馬上共追隨
可憐乘傳還家後無復停車待漏時
薄奠一杯情莫盡臨風惟有淚雙垂
夢戲贈王侍郎湖廣之行兩邊翻後字修符又重
畫舫輕帆下潞河宦情更比別情多
清風赤壁吟邊渡明月青山醉裏過
去意恩恩留不住芳心默默奈愁何
黃花翠竹重陽節及早歸來爲撫摩

夜坐感懷

月朗星稀夜氣清披襟轉覺嫩涼生
樹頭倒掛天河影

于公集卷四

十九

花外遙傳禁漏聲閩越風塵何日淨
荆蠻寇盜幾時平寸心耿耿難成寐
坐對薰鑪直到明

黃葛舟中感懷

宿雨初晴水滿河舟人鼓棹學吳歌
前朝僧寺樓臺古隔岸人家樹木多
百歲慈親今已矣九原幽恨欲如何
夢魂飛遶湖山路淚灑西風兩鬢皤

舊篋謾書

辭莫盡飄風計齊飛雙垂花客花開空自恨

碌碌浮生五十年追隨無計息塵緣
放懷頓覺寰區窄揣分應慚雨露偏
禁闕疏鐘催早起客窗寒月照孤眠
可能歸去西湖上相逐漁翁踏釣船

蘇州挽李同知

蘇州挽李同知

憶昔同年三百人與君交誼最相親
久知不是池中物誰料今爲松下塵
無復承恩趨北闕空留遺愛在南園
銘文讀罷增悲愴首佳城淚滿巾

陸且適興

天氣清和日正長紅塵不到小林塘
醉來埽地臥花影閒處倚窗看藥方
數點新荷初出水幾竿修竹又過牆
多情卻笑梁閒燕去年來底事忙

毋本挽丁都御史

豸角峩冠鬢有絲懸車獨許被恩私
可憐月落烏嗁處無復霜飛象簡時
百歲光陰成大夢九原溟漠動遐思
銘文讀罷情何限撫卷令人轉歎咨

于公集卷四

三

送唐進士母

葵居節操凜冰霜忽見悲風慘白楊
貞婦令名關世教佳兒平步得天香
殘鐙有影秋堂靜斷杵無聲夜漏長
我亦平生慕親者七招歌罷重悲傷

送苗訓術

都門雪霽晚寒多馬首回風散玉珂
訓術新官榮故里傳家清譽在鑿坡
朔雲歲暮連徽淮水春來湧漫波
到日尊翁如見問爲言竊祿鬢毛皤

送文歲暮感懷

渴飲飢餐困卽眠尋常何必市童憐
行藏祇有孤忠在得失從教眾口傳
皎潔三輪雲際月泓澄萬里水中天

濟川舟棹風波裏爭似漁家得畫船

遣懷

萬里雲同無雨雪不知天意欲如何江湖凍合魚龍冷
樹木蕭疏鳥雀多一曲陽春誰倡和半窗風月自吟哦
老懷未遂歸田計追逐羞看兩鬢皤

秋晚漫書

晚來公府吏人稀埽地焚香靜掩扉自念一身隨寓好
那堪萬事與心違雲開玉宇橫秋月天近瓊樓起夕霏
卻笑此生常是客西風纔動便思歸

秋意

一番雨過一番涼秋意蕭森滿畫堂金井梧飄落葉

千公集卷四

三

蟾宮丹桂散天香愁來兀坐驚時換老去多思覺夜長
節序催人成底事可能垂老臥江鄉

挽儲尙書

鑾坡青瑣舊馳名簡在宸衷擢上卿身後祇留黃卷在
夢中曾報玉樓成可憐泉室藏鐙影無復巖廊聽履聲
壯歲同朝今白髮臨風三酌不勝情

春日病中偶書

客邊寥落苦難禁况復年來老病侵媚柳嬌花新景物
清風明月舊山林詩懷總向愁邊動歸路多從夢裏尋
數卷殘書看不盡起來獨坐更沈吟

送王天與之南京

馬首薰風拂面來楊花飛盡石榴開已將詩句壯行色
更把離情付酒杯含咀英華收雅望作成文武藉全才
同官賴有陳夫子暇日琴樽喜共陪

馬上歸來日欲西門前塵土走輪蹄兩行翠柳臨歧道
一派銀河遠玉隄撫劍有時成感歎誅茅何日遂幽棲
滿懷心事誰能識獨坐花前聽鳥啼

春城漫成

牆外垂楊裊碧絲東風吹綻杏花枝暖雲和雨催詩興
芳草連天動客思世土難逢知己處夢中還有到家時
瑤琴只解彈新調誰和陽春白雪詞

于公集卷四

三

雪夜客懷

淡煙籠月映窗紗雪片交飛正復斜誰向亭前誇柳絮
空勞枕上夢梅花蹇驢破帽尋詩處茅屋疏簾賣酒家
此景此情如在日一時歸思滿天涯

客夜述懷

清樽對景不成歡翦燭吟詩強自寬淺薄本非公輔器
疏迂猶帶腐儒酸疏鐘隱隱來僧寺清漏遲遲出禁垣
竊祿榮身心獨愧可能於此久盤桓

同官題名刺夫子期日翠軒喜共陪

07156

于肅愍公集卷之四終



